

公是先生七經小傳

公是先生
七經小傳

四部叢刊續編經部

上海濶芬樓景
印天祿琳瑯舊
藏宋刊本原書
分寬高二十二公分
版三十六公分

編 繢 刊 叢 部 四

傳 小 經 七

(八三〇二一)

究 必 刻 翻

中華民國二十三年五月初版

每部一冊定價大洋肆角伍分

外埠酌加運費匯費

發 行 人
印 刷 所

王 上 商 上 商 上
務 海 務 海 務 海

印 及 印 河 雲 河

書 各 書 南 南

館 埠 館 路 五 路

七經小傳卷上

尚善

司馬義叔宅南交說者曰春與夏交非也冬與秋交秋與夏交春與冬交亦何不曰西交北交東交乎且春曰嵎夷曰暘谷秋曰宅西曰昧谷冬曰朔方曰幽都此皆指地而言不當至於夏獨以言也本蓋言宅南曰交趾後人傳寫脫兩字故爾非真也春去宅嵎夷秋去宅西推秋之西而知嵎夷爲東也夏去宅南冬去宅朔方推夏之南而知朔方爲北也此蓋堯舜時四境所至四岳所統

也故舉以言爾

舜典曰正月上日受終于文祖輯五瑞者收諸侯圭瑞
還之王府旣月乃日者旣正月之明日謂二月朔耳
輯五瑞必俟旣月之明日頒之諸侯者以新曆數也
修五禮五玉三帛二生一死贊如五器卒乃復如者
同也五器者吉凶禮樂及戎器同之一制度也卒
乃復者巡守事畢王乃還都也

五載一巡守者唐虞氏分天下五服其在畿內甸服
之君則皆執事之人也朝夕見焉故不特修朝覲
之禮至於侯服當朝一年綏服當朝二年要服當

朝三年荒服當朝四年則天下諸侯畢皆一朝一
朝則天子巡守故五載一巡守也

夔曰於予擊石拊石百獸率舞益稷之末又有夔曰
於予擊石拊石百獸率舞然則舜典之末衍一簡
也何以知之邪方舜之命二十二人莫不謙者惟夔龍
爲否則亦已矣又自贊其能夔必不爲也且夔於
爾時始見命典樂不應遂已有百獸率舞之事是
今日適越而昔至也

九共九篇共當作丘古文丘作厔與共相近故誤傳
以爲共耳九丘者即所謂八索九丘按小序帝釐
下土方設居方別生分類作汨作九共及橐既然

則汨作之篇言所以釐下土興工致治之道尔九
丘者乃所謂方設居方別生分類者也九州殊土
異俗各因其性順其舊而教擾之故爲九篇篇言
一州也舜肇十有二州而今但九者幽并之俗與
冀州類營州之俗與青州類但疆土廣大故分之
耳至於人物自如舊也孔安國爲隸古定書不知
丘字誤爲共遂肆臆說云述職方以除九丘案職
方氏之書一官所守耳周禮出於周公仲尼未嘗
刪述而云除九丘乎又今職方氏所掌但其地名
山川大較豈與方設居方別生分類比乎此云九
共當爲九丘必也禹貢雖載九州之地形乃是治

水之書亦無方設居方別生分類之事則禹貢所言者形質也九丘所言者情性也惜哉此書之亡不及見有虞氏之明德也

大禹謨益曰都帝德廣運乃聖乃神乃武乃文皇天眷命奄有四海爲天下君禹曰惠迪吉從逆凶惟影響此言帝賞罰之審且速也故能爲天下君臯陶謨曰都亦行有九德亦言其人有德此說性善也行有九德者言人之性固有九德也寬柔愿亂擾直簡剛彊是也亦言其人有德者言性雖有德猶待其人之有德乃成德也栗立恭敬毅溫廉塞義是也愿而恭恭與愿一物爾愿者益恭非德性

相濟者也恭當作茶字誤也茶者舒也愿穀過者
患在不茶故以茶濟原也簡而廉簡者簡易也簡
易之人失在無廉隅故濟以廉所謂居敬也彰厥
有常吉哉吉猶士也所謂吉士也於九德之中能
一德有常則可謂士矣三德可以爲卿大夫六德
可以爲諸侯九德咸事可以王天下然則有常所
謂有恒三德所謂善人六德所謂君子九德所謂
聖人惟聖人惟能王天下君子可以爲諸侯善人
可以爲卿大夫有恒者可以爲士以孔子之徒論
之顏淵問爲邦子曰行夏之時乘殷之輶服周之
冕此王天下之任聖人之德也又曰雍也可使南面

先有司赦小過舉賢材此君一國之任君子之德
也又曰由也千乘之國可使治其賦也外堂未入
於室此卿大夫之任善人之德也又曰不得中行
而與之必也狂狷平狂者進取狷者有所不爲此
吉士之任也有恒之德也物之性未有能兼剛柔
者也謂聖人備九德然則聖人之性剛且柔乎曰
聖人神矣其性無所不備無所不備者或不可得
而聞矣不可得而聞則所聞者常聞其接於事爲
之迹爾臯陶稱舜曰臨下以簡御衆以寬此九德
之二也極此言之意故當曰事親以柔行己以愿
臨事以亂任賢以擾秉德以直斷謀以剛敷政以

彊此所謂大備之人也

益稷曰禹曰弼成五服至于五千州十有二師外薄四海咸建五長各迪有功說者謂禹治水州用三萬人非也師猶長爾一州十二師以商周之制推之則連率卒正之類也以五長稽之則五國有長而十長有師乎長所以長也師所以師也十長之師凡五十國一州十二師則六百國也州六百國計十二州則七千二百國也十二州之外薄于四海又有五長是以禹會諸侯於塗山執玉帛者萬國也

笙鏞以閒鳥獸蹠蹠何謂也曰古者制樂皆有所法

也或法於鳥或法於獸其聲清揚而短聞者皆法之鳥也其聲宏濁而遠聞者皆法之獸也則此言笙鏞之器各得其法而盡其聲則鳥獸踴躍然也擊石拊石百獸率舞何謂也曰聖王功成而作樂樂行而物遂則此言四海之內血氣之類莫不逸豫而自得也人樂極則舞獸不能舞推其樂極則亦宜舞也故謂之率舞也擊石拊石何也曰凡樂厚聲石此言所擊者與所拊者皆厚以和皆泊以恬則能以感人者也

禹貢青州萊夷作牧厥篚纁絲徐州淮夷蠻珠暨魚厥篚玄纁縞楊州島夷卉服厥篚織貝子謂三篚

皆三夷之貢也故序於三夷下織讀如士不衣織
之織染貝爲織島夷所服蓋如厚繒貝者木名耳
五百里要服三百里夷二百里蔡五百里荒服三百
里蠻二百里流凡唐虞九州州方千里適三千里
矣要荒則在九州之外三百里夷者稍以夷禮通
之若春秋杞鄫葛莒也三百里蠻者亦言雜以蠻
俗待之若春秋楚越也二百里蔡者蔡讀如蔡蔡
叔之蔡二百里流流讀如流共工之流輕罪則蔡
於要服重罪則流于荒服所謂投之四裔屏之遠
方者也此則五宅三居之二矣然則其一在綏服
九州之內也凡夷性近於人蠻性遠於人故近者

稱夷遠者稱蠻也

嗣征曰火炎岷岡玉石俱焚天吏逸德烈于猛火殲厥渠魁脅從罔治言火炎則玉石俱焚吏逸則善惡并誅若此則是威烈甚於火矣故不欲如火但殲厥渠魁而已所以分別玉石

湯誓曰伊尹相湯伐桀桀自陑陑者桀恃嶮也桀之者言其易也著此者言桀雖據險亦不能拒湯所謂地利不如人和孔氏注乃曰出其不意孫吳之師非湯與伊尹之義也

伊訓曰惟元祀十有二月乙丑伊尹祠于先王奉嗣王祇見厥祖元祀者太甲之元年也十有二月者

夏正十二月殷正月也舉元祀於上則明十二月者殷正月也不言正月而云十二月者於書未有言王者三統之辨使上下互相備也此先君以去年十二月夏之十一月崩故太甲以今年正月夏之十二月朝廟正君臣至三年十二月則二十六月喪畢而以冕服歸于毫矣若謂十二月亦殷之曆者古天子逾年改元一年不二君則元祀十二月乃太甲改元之後十二月也去先君崩一朞矣至三年十二月太甲乃歸于毫歸于毫之時凡居喪三十七月不得爲二十六月也欲就二十六月而言之則太甲以先君之末遂爲元年乃可爾而

非逾年改元一年不二君之義伊尹豈爲之哉
臣下不匡其刑墨墨者非刑名也謂其刑如墨也貪
以敗官爲墨今臣不匡君是貪位明矣故使坐貪
也傳曰昏墨賊殺臯陶之刑也

微子曰父師若曰我舊云刻子王子弗出我乃顛濟刻
猶害也言我舊常云紂欲害子今王子不出必見殺
王子見殺我乃墮滅矣所以然者三仁存則殷存三
仁云則殷云武王觀兵還師此其驗也均之不可云
而微子先遜于荒者微子以地逼見疑欲害與其見
殺而速云不如避禍而緩死也然則三人亦何向何
背何去何處勢物之變微子以母兄宜避箕子以